



BIBLIOTECA  
COMUNALE  
DI TRENTO



UNIVERSITÀ DEGLI STUDI  
DI TRENTO  
Dipartimento di Lettere e Filosofia



FONDAZIONE  
**CARITRO**  
CASSA DI RISPARMIO DI TRENTO E ROVERETO

TRENTO (DIOCESI), *Officium proprium sancti Vigili episcopi Tridentini, & martyris gloriosissimi, civitatis, & diocesis Trid. patroni, & protectoris a Sacra Rituum Congregatione approbatum, & in ejus festo 26. junii, & per octavam, in eadem dioecesi recitari solitum, Trento, Giovanni Parone, [tra il 1681 e il 1728].*

Esemplare digitalizzato:

Trento, Biblioteca comunale, T I-op d 164

LINK: <https://bdt.bibcom.trento.it/290>

[BDT – BIBLIOTECA DIGITALE TARENTINA](#)

progetto STABAT – *Stampe antiche Biblioteca comunale di Trento*



COMUNE DI TRENTO



STABAT – *Stampe antiche della Biblioteca comunale di Trento* è un progetto concluso, cofinanziato dalla Fondazione Caritro (“Bando Archivi 2014”), dalla Biblioteca comunale di Trento e dal Dipartimento di Lettere e Filosofia dell’Università di Trento; gli altri partner del progetto sono la Soprintendenza per i beni storico-artistici, librari e archivistici della Provincia Autonoma di Trento e l’University of St Andrews, School of History, USTC – Universal Short Title Catalogue. All’interno di Stabat sono state digitalizzate e descritte tutte le edizioni stampate in Trentino nei secoli XV-XVII che si conservano presso la Biblioteca e l’Archivio storico del Comune di Trento. Ogni digitalizzazione è accompagnata da una descrizione della stampa; tutto il materiale è liberamente consultabile sulla *Biblioteca Digitale Trentina* (<http://bdt.bibcom.trento.it/>).

In questo file le immagini hanno avuto in trattamento OCR e pertanto si possono fare ricerche testuali; le immagini presenti sul sito, dove si può trovare una descrizione completa dell’edizione, hanno invece una qualità maggiore.

Le immagini presenti nella *Biblioteca Digitale Trentina* sono rilasciate con licenza di Pubblico dominio, il presente PDF è distribuito con licenza Creative Commons Attribuzione – Non commerciale – Non opere derivate 3.0.

STABAT – *Stampe antiche della Biblioteca comunale di Trento* is a project that was successfully concluded thanks to the support of a group of partners, namely the Caritro Foundation (“Bando Archivi 2014”), Trent Civic Library, the Department of Humanities of the University of Trento, as well as the Superintendence for Architectural, Landscape, Historical, Artistic and Ethno-anthropological Heritage for the Province of Trento and the University of St Andrews, School of History, USTC – Universal Short Title Catalogue. All the editions belonging to the Library and the Civic Historical Archive that were printed in Trentino during the XV-XVII centuries have been digitised and described. As a result, each digital copy is accompanied by a record with specific data regarding the printed book, and is freely available to be consulted on *Biblioteca Digitale Trentina* (<http://bdt.bibcom.trento.it/>).

The images belonging to this file are OCR-converted, hence the text of this edition can be electronically searched. The images available on the website, on the contrary, have a higher resolution and are accompanied by a complete description of the edition.

The images available on the *Biblioteca Digitale Trentina* are public domain files; this PDF is available under the Creative Commons Attribution – Non-commercial – No Derivative Works 3.0 License.





BIBLIOTECA COMUNALE  
TRENTO



*ex libris*



K 2032347

D 2032321

Stca

T l-op d 164

117  
22

# OFFICIUM PROPRIUM SANCTI VIGILII EPISCOPI TRIDENTINI, & Martyris gloriosissimi,

Civitatis, & Diocesis Trid. Patroni, & Protectoris  
*A Sacra rituum Congregatione approbatum,  
& in ejus festo 26. Junii, & per octavam,  
in eadem Diocesi recitari solitum.*



TRIDENTI,

Ex Typographia Episcopali Joannis Paroni  
SUPERIORVM PERMISSV.



O

P

SA

Ep

*In p*  
San  
cerdos  
Christi  
de lup



scabe

Vir  
tet D  
nare  
tuoru

Te  
virtu  
sanct  
ciferu

Ju  
pœni

OFFICIUM  
 PROPRIUM  
 SANCTI VIGILII

Episcopi Tridentini, & Martyris gloriosissimi.

*In primis Vesperis. Antiph.*

Sanctus Vigilus, vigil Sacerdos, dies, & noctes ad Christi ovile vigilavit, nec inde lupos expellere cessavit.

*Psal. 109.*



**D**IXIT Dominus  
 Domino meo :  
 sede à dextris  
 meis.

Donec ponam  
 inimicos tuos :  
 scabellum pedum tuorum.

Virgam virtutis tuæ emit-  
 tet Dominus ex Sion : domi-  
 nare in medio inimicorum  
 tuorum.

Tecum principium in die  
 virtutis tuæ in splendoribus  
 sanctorum : ex utero ante lu-  
 ciferum genui te.

Juravit Dominus, & non  
 pœnitebit eum; tu es sacerdos

in æternum secundum ordi-  
 nem Melchisedech.

Dominus à dextris tuis ;  
 confregit in die iræ suæ reges.

Judicabit in nationibus im-  
 plebit ruinas: conquassabit ca-  
 pita in terra multorum.

De torrente in via bibet :  
 propterea exaltabit caput.

Gloria Patri, & Filio, &c.

*Antiphona.* Sanctus Vigilus,  
 vigil sacerdos, dies, & noctes  
 ad Christi ovile vigilavit, nec  
 inde lupos expellere cessavit.

*Antiphona.* Beatus Vigilus  
 confessus est nomen Domini  
 Jesu Christi, & pro illo mori  
 non dubitavit.

*Psal. 110.*

**C**onfitebor tibi Domine in  
 toto corde meo: in consi-  
 lio justorum, & cōgregatione.

## OFFICIUM PROPRIUM

4  
Magna opera Domini: exqui-  
sita in omnes voluntates ejus.

Confessio, & magnificentia  
opus ejus: & justitia ejus ma-  
net in sæculum sæculi.

Memoriam fecit mirabilium  
suorum, misericors, & mise-  
rator Dominus: escam dedit  
timentibus se.

Memor erit in sæculum tes-  
tamenti sui: virtutem ope-  
rum suorum annuntiabit po-  
pulo suo.

Ut det illis hæreditatem  
gentium: opera manuum ejus  
veritas, & judicium.

Fidelia omnia mandata ejus,  
confirmata in sæculum sæculi:  
facta in veritate, & æquitate.

Redemptionem misit Domi-  
nus populo suo: mandavit in  
æternum testamentum suum.

Sanctum, & terribile no-  
men ejus: initium sapientiæ  
timor Domini.

Intellectus bonus omnibus  
facientibus eum; laudatio ejus  
manet in sæculum sæculi.

Gloria Patri, & Filio, &c.

*Antiphona.* Beatus Vigilus  
confessus est nomen Domini  
Jesu Christi, & pro illo mori  
non dubitavit.

*Antiphona.* In memoria æter-  
na erit justus Vigilus: quo-  
niam Dominum fidelis mini-  
ster secutus est. *Psal. III.*

**B**eatus vir, qui timet Do-  
minum; in mandatis  
ejus volet nimis.

Potens in terra erit semen  
ejus: generatio rectorum be-  
nedicetur.

Gloria, & divitiæ in domo  
ejus; & justitia ejus manet in  
sæculum sæculi.

Exortum est in tenebris lu-  
men rectis; misericors, &  
miserator, & justus.

Jucundus homo, qui mise-  
retur, & commodat, dispo-  
net sermones suos in judicio:  
quia in æternum non commo-  
vebitur.

In memoria æterna erit ju-  
stus; ab auditione mala non  
timebit.

Paratum cor ejus sperare in  
Domino, confirmatum est  
cor ejus: non commovebitur  
donec despiciat inimicos suos.

Disperfit, dedit pauperibus,  
justitia ejus manet in sæculum  
sæculi: cornu ejus exaltabitur  
in gloria.

Peccator videbit, & irasce-  
tur, dentibus suis fremet, &  
tabescet: desiderium peccato-  
rum peribit.

Gloria Patri, & Filio, &c.

*Antiphona.* In memoria æter-  
na erit justus Vigilus; quo-  
niam Dominum fidelis mini-  
ster secutus est.

*Antiph.* Honorificavit eum  
Deus, & collocavit eum prin-  
cipibus populi sui.

*Psalm. III.*

**L**audate pueri Dominum;  
laudate nomen Domini.

Sit

SANCTI VIGILII.

5

Sit nomen Domini benedictum; ex hoc nunc, & usque in sæculum.

A solis ortu usque ad occasum; laudabile nomen Domini.

Excelsus super omnes gentes Dominus; & super cœlos gloria ejus.

Quis sicut Dominus Deus noster, qui in altis habitat; & humilia respicit in cœlo, & in terra.

Suscitans à terra inopem, & de stercore erigens pauperem.

Ut collocet eum cum principibus: cum principibus populi sui.

Qui habitare facit sterilem in domo: matrem filiorum lætantem.

Gloria Patri, & Filio, &c.

*Antiphona.* Honorificavit

eum Deus, & collocavit cum principibus populi sui.

*Antiphona.* Gratias tibi ago

Christe: quia me dignum fecisti, ut quod diu desideraveram, jam invenirem.

*Psalms. 116.*

**L**audate Dominum omnes gentes: laudate eum omnes populi.

Quoniam confirmata est super nos misericordia ejus: & veritas Domini manet in æternum.

Gloria Patri, & Filio, &c.

*Antiphona.* Gratias tibi ago

Christe: quia me dignum fecisti: ut quod diu desideraveram, jam invenirem.

*Capitul. Eccl. 50.*

**I**n diebus justii manaverunt putei aquarum, & quasi mare adimpleti sunt supra modum.

& Deo gratias.

*Hymnus.*

**Q**uem tuus dignè tibi grex honorem, Luce persolvat bone pastor alma

Luce, quæ sanctè recolenda nobis

Gaudia reddit?

Hac die fulgens tibi porta cœli

Panditur, dum nec lapidum nefandus

Ille te nimbus, neque mortis atra

Terret imago.

Tu quidem verbo, angelicaque vita,

Traxeras mortis populos ab umbra,

Sed tuo firmasti hodie salutem

Sanguine nobis.

Tu tuos, & nunc miseratus audi:

Heu vide, quæ nos feriant procellæ,

Quæ premant culpæ: veniam precare.

Et rege fessos.

Præstet hoc nobis Deitas beata

Patris, ac Nati, pariterq;  
Sancti.

Spiritus, cujus canitur per  
omne.

Gloria seculum. Amen.

Ÿ. Ora pro nobis beate Vigili.

✠. Ut digni efficiamur promissionibus Christi.

*Ad Magnificat. Antiphona.*

O præclarum Martyrem, cujus doctrina, & meritis Populus Tridentinus fidem sanctissimæ Trinitatis suscepit.

*Canticum Beate Mariæ Virginis.*

*Luca 1.*

**M**agnificat anima mea  
Dominum.

Et exultavit spiritus meus:  
in Deo salutari meo.

Quia respexit humilitatem  
ancillæ suæ: ecce enim ex hoc  
beatam me dicent omnes generationes.

Quia fecit mihi magna qui  
potens est: & sanctum nomen  
ejus.

Et misericordia ejus à pro-  
genie in progenies: timentibus  
cum.

Fecit potentiam in brachio  
suo: dispersit superbos mente  
cordis sui.

Deposuit potentes de sede:  
& exaltavit humiles.

Esurientes implevit bonis:  
& divites dimisit inanes.

Suscepit Israel puerum suū:  
recordatus misericordiæ suæ.

Sicut locutus est ad patres  
nostros: Abraham, & semini

ejus in sæcula.

Gloria Patri, & Filio, &c.

*Antiphona.* O præclarum  
Martyrem, cujus doctrina, &  
meritis populus Tridentinus  
fidem sanctissimæ Trinitatis  
suscepit.

*Oratio.*

**D**Eus, qui hunc diem no-  
bis Beati Vigili marty-  
ris tui, atque Pontificis lan-  
guine consecrasti, da quaesumus:  
ut ejus meritis ab omni-  
bus semper adversis defensi  
æternæ vitæ præmia consequamur.  
Per Dominum nostrum.

*De octava S. Joannis in utris-  
que Vesp. & Laud. non. fit comm.  
sed tantum de Octava Corporis  
Christi, si in illam hoc festum  
incidat.*

*Similiter, si occurrat in Do-  
minica, de illa fit comm. in utris-  
que Vesp. & Laud. cum nona  
lectione Homilia Dominica; si  
verò feria secunda occurrat, in  
primis Vesp. non fit comm. Do-  
minica.*

*Ad Matutinum, Invitatorium.*

Regem Martyrum Domi-  
num, qui Beatum Vigilium  
supernis hodie sociavit choris.

Venite adoremus.

*Psal. 94.*

**V**enite exultemus Domi-  
no, jubilemus Deo sa-  
lutari nostro: præoccupemus  
faciem ejus in confessione, &  
in psalmis jubilemus ei. Re-  
gem Martyrum, &c.

Quo-

Quoniam magnus Dominus, & Rex magnus super omnes deos: quoniam non repellet Dominus plebem suam; quia in manu ejus sunt omnes fines terræ, & altitudines montium ipse conspicit.

Venite adoremus.

Quoniam ipsius est mare, & ipse fecit illud, & aridam fundaverunt manus ejus: venite, adoremus, & procidamus ante Deum, ploremus coram Domino, qui fecit nos, quia ipse est Dominus Deus noster: nos autem populus ejus, & oves pascuæ ejus.

Regem Martyrum, &c.

Hodie si vocem ejus audieritis, nolite obdurare corda vestra: sicut in exacerbatione secundum diem tentationis in deserto: ubi tentaverunt me patres vestri, probaverunt, & viderunt opera mea.

Venite adoremus.

Quadraginta annis proximus sui generationi huic, & dixi, semper hi errant corde: ipsi verò non cognoverunt vias meas, quibus juravi in ira mea, si introibunt in requiem meam. Regem Martyrum. Gloria Patri, & Filio, & Spiritui Sancto, sicut erat, & in principio, & nunc, & semper, & in secula sæculorum. Amen.

Venite adoremus. Regem Martyrum. Venite adoremus.

*Hymnus.*

**I**nvieste Martyr, supplices Te deprecamur, annua Benignus atque prosperus Sume tuorum munera.  
Si nullus olim te labor,  
Nec dura mors deteruit,  
Dum creditas oves tibi Lupo eripis teterrimo.  
Tu nunc, adepta laurea,  
Dulcique lætus patria,  
Quanto tuum libentius Fidum gregem rutaberis?  
Deo Patri sit gloria,  
Ejusque soli Filio,  
Cum Spiritu Paraclito  
Nunc, & per omne sæculum  
Amen.

*In primo nocturno. Antiphona.*

Beatus Vigilus verbi divini pabulum, in lucrum animarum indefinenter distribuit.

*Psalmus 1.*

**B**eatu vir, qui non abiit in consilio impiorum: & in via peccatorum non stetit, & in cathedra pestilentie non sedit.

Sed in lege Domini voluntas ejus: & in lege ejus meditabitur die, ac nocte.

Et erit tanquam lignum, quod plantatum est secus decursus aquarum; quod fructum suum dabit in tempore suo.

Et folium ejus non defluet: & omnia quæcunque faciet prosperabuntur.

Non sic impij non sic: sed

tamquam pulvis, quem projicit ventus à facie terræ.

Ideo non resurgent impij in judicio : neque peccatores in consilio justorum.

Quoniam novit Dominus viam justorum : & iter impiorum peribit.

Gloria Patri, & Filio, & Spiritui Sancto, &c.

*Antiphona.* Beatus Vigilus verbi divini pabulum, in lucrum animarum indefinenter distribuit.

*Antiphona.* Cæcos, & mutos, atque à dæmonibus obsessos crucis signo statim liberavit.

*Psalmus 2.*

**Q**uare fremuerunt gentes : & populi meditati sunt inania ?

Assiterunt reges terræ, & principes convenerunt in unum : adversus Dominum, & adversus Christum ejus.

Dirumpamus vincula eorum : & projiciamus à nobis jugam ipsorum.

Qui habitat in cælis irridebit eos : & Dominus subsannabit eos.

Tunc loquetur ad eos in ira sua : & in furore suo conturbabit eos.

Ego autem constitutus sum Rex ab eo, super Sion montem sanctum ejus : prædicans præceptum ejus.

Dominus dixit ad me filius meus es tu : ego hodie genui te.

Postula à me, & dabo tibi gentes hæreditatem tuam : & possessionem tuam terminos terræ.

Reges eos in virga ferrea : & tamquam vas figuli confringes eos.

Et nunc Reges intelligite : crudimini, qui judicatis terram.

Servite Domino in timore : & exultate ei cum tremore.

Apprehendite disciplinam, ne quando irascatur Dominus : & pereatis de via justa.

Cum exarserit in brevi ira ejus : beati omnes, qui confidunt in eo.

Gloria Patri, & Filio, & Spiritui Sancto, &c.

*Antiphona.* Cæcos, & mutos atque à dæmonibus obsessos crucis signo statim liberavit.

*Antiphona.* O quàm multos ab immolationibus impijs ad puritatem Christianæ fidei perduxit.

*Psalmus 3.*

**D**omine, quid multiplicati sunt, qui tribulant me? multi insurgunt adversum me.

Multi dicunt animæ meæ : non est salus ipsi in Deo ejus.

Tu autem Domine susceptor meus es : gloria mea, & exaltans caput meum.

Voce mea ad Dominum clamavi : & exaudivit me de monte sancto suo.

Ego dormivi, & soporatus sum: & exurrexi, quia Dominus suscepit me.

Non timebo millia populi circumdantis me: exurge Domine salvum me fac Deus meus.

Quoniam tu percussisti omnes adversantes mihi sine causa: dentes peccatorum contrivisti.

Domini est salus: & super populum tuum benedictio tua.

Gloria Patri, & Filio, & Spiritui Sancto, &c.

*Antiphona.* O quam multos ab immolationibus impijs ad puritatem Christianę fidei perduxit.

ŷ. Gloria, & honore coronasti eum Domine. R. Et constituisti eum super opera manuum tuarum.

Pater noster. Exaudi Domine.

ŷ. Jube domne. Benedictione perpetua.

De Actibus Apostolorum.

*Leclio 1. Cap. 20.*

**A** Mileto Paulus mittens Ephesum, vocavit majores natu Ecclesię: qui cum venissent ad eum, & simul essent: dixit eis. Vos scitis à prima die, qua ingressus sum in Asiam, qualiter vobiscum per omne tempus fuerim serviens Domino cum omni humilitate, & lachrymis, &

tentationibus: quę mihi acciderunt ex insidijs Judęorum: quomodo nihil subtraxerim utilium, quominus annuntiarem vobis, & docerem vos publicę, & per domos testificans Judęis atque Gentilibus in Deum pœnitentiam, & fidem in Dominum nostrum Jesum Christum. Et nunc ecce ego alligatus spiritu vado in Jerusalem, quę in eventura sint mihi ignorans, nisi quod Spiritus Sanctus per omnes civitates mihi protestatur, dicens: quoniam vincula: & tribulationes Jerosolymis me manent; sed nihil horum vereor, nec facio animam meam pretiosiorẽ, quã me, dummodo consummem cursum meum, & ministerium verbi, quod accepi à Domino Jesu, testificari Evangelium gratię Dei.

R. Sanctus Vigilius, summa eruditione à Deo donatus, inventa diaboli longę, lateque demolitus est. Et cum martyrii palma ad cœlestia regna pervenit.

ŷ. Gratia, & virtute superna solidatus, vicit mundum. Et cum martyrii. Jube domne. Unigenitus Dei.

*Leclio secunda.*

**E**T nunc ecce ego scio, quia amplius non videbitis faciem meam vos omnes, per quos

quos transivi prædicans regnum Dei. Quapropter confessor vos hodierna die, quia mundus sum à sanguine omnium. Non enim subterfugi, quominus annuntiarem omne consilium Dei vobis. Attendite vobis, & universo gregi, in quo vos Spiritus Sanctus posuit Episcopus regere Ecclesiam Dei, quam acquisivit sanguine suo. Ego scio, quoniam intrabunt post discessionem meam lupi rapaces in vos, non parentes gregi: & ex vobis ipsis exurgent viri loquentes perversa, ut abducant discipulos post se. Propter quod vigilate, memoria retinentes, quoniam per triennium nocte, & die, non cessavi cum lacrymis monens unumquemque vestrum.

R. Magnus Christi sacerdos, Vigiliis novale Dominicum egregie coluit, & amplificavit. Et ideo florebit in æternum ante Dominum.

V. Iste est, qui pro Evangelii prædicatione contempsit vitam mundi. Et ideo. Jube domne. Spiritus Sancti gratia.

*Leclio tertia.*

ET nunc commendo vos Deo, & verbo gratiæ ipsius, qui potens est ædificare, & dare hæreditatem in-

sanctificatis omnibus. Argentum, & aurum, aut vestem nullius concupivi, sicut ipsi scitis: quoniam ad ea, quæ mihi opus erant, & his, qui mecum sunt, ministraverunt manus istæ. Omnia ostendi vobis, quoniam sic laborantes oportet suscipere infirmos, ac meminisse verbi Domini Jesu, quoniam ipse dixit: beatius est magis dare, quam accipere. Et cum hæc dixisset, positis genibus suis, oravit cum omnibus illis. Magnus autem fletus factus est omnium: & procumbentes super collum Pauli osculabantur eum, dolentes maxime in verbo, quod dixerat, quoniam antipius faciem ejus non essent vituri: & deducebant eum ad navem.

R. Hic totus ad superna conversus, beatitudinem illic quæsit, & invenit. Fundatus enim erat supra firmam petram.

V. Voluptates omnes, & terrena omnia, ut res viliissimas, contempsit. Fundatus enim erat supra firmam petram.

Gloria Patri, & Filio, & Spiritui Sancto. Fundatus enim erat supra firmam petram.

*In secundo nocturno. Antiphona.*

Divina præventus gratia, prædicationem suam vita in-teger-

tegerima, & signorum effi-  
cacia confirmabat.

*Psalmus 4.*

**C**UM invocarem exaudi-  
vit me Deus justitiæ  
meæ; in tribulatione dilatasti  
mihi.

Miserere mei: & exaudi  
orationem meam.

Filii hominum usquequò  
gravi corde; ut quid diligitis  
vanitatem, & quæritis men-  
dacium?

Et scitote, quoniam mirifi-  
cavit Dominus sanctum suum:  
Dominus exaudiet me, cum  
clamavero ad eum.

Iraſcimini, & nolite pecca-  
re, quæ dicitis in cordibus  
vestris: in cubilibus vestris  
compungimini.

Sacrificate sacrificium justiti-  
æ, & sperate in Domino;  
multi dicunt, quis ostendit  
nobis bona?

Signatum est super nos lu-  
men vultus tui Domine: de-  
disti lætitiã in corde meo.

A fructu frumenti, vini, &  
olei tui: multiplicati sunt.

In pace in idipsum; dor-  
miam, & requiescam.

Quoniam tu Domine singu-  
lariter in ille: constituisti  
me.

Gloria Patri, & Filio, &  
Spiritui Sancto, &c.

*Antiphona.* Divina praven-  
tus gratia, prædicationem

suam vita integerrima, & si-  
gnosum efficacia confirmabat.

*Antiphona.* Dejecta sunt  
paucim dæmonum simulacra,  
& crucis vexillum apparuit.

*Psalmus 5.*

**V**ERBA mea auribus per-  
cipe Domine: intellige  
clamorem meum.

Intende voci orationis meæ:  
rex meus, & Deus meus.

Quoniam ad te orabo Do-  
mine: manè exaudies vocem  
meam.

Manè astabo tibi, & vide-  
bo: quoniam non Deus vo-  
lens iniquitatem tu es.

Neque habitabit juxta te  
malignus: neque permane-  
bunt injusti ante oculos tuos.

Odisti omnes, qui operan-  
tur iniquitatem: perdes om-  
nes, qui loquuntur menda-  
cium.

Vitum sanguinum, & do-  
losum abominabitur Domi-  
nus: ego autem in multitu-  
dine misericordiæ tuæ.

Introibo in domum tuam;  
adorabo ad templum sanctum  
tuum in timore tuo.

Domine deduc me in justiti-  
a tua propter inimicos meos;  
dirige in conspectu tuo viam  
meam.

Quoniam non est in ore eo-  
rum veritas: cor eorum va-  
num est.

Sepulcrum patens est guttur eorum, linguas suas dolose agebant: iudica illos Deus.

Decidant à cogitationibus suis, secundum multitudinem impietatum eorum expelle eos: quoniam irritaverunt te Domine.

Et latentur omnes, qui sperant in te: in æternum exultabunt, & habitabis in eis.

Et gloriabuntur in te omnes, qui diligunt nomen tuum; quoniam tu benedices iusto.

Domine, ut scuto bonæ voluntatis tuæ: coronasti nos. Gloria Patri, & Filio, & Spiritui Sancto, &c.

*Antiphona.* Dejecta sunt passim dæmonum simulacra, & crucis vexillum apparuit.

*Antiphona.* Sicut fortis ad bellum, ita Sacerdos festinabat ad martyrium.

*Psalmus 8.*

**D**omine Dominus noster; quàm admirabile est nomen tuum in universa terra.

Quoniam elevata est magnificentia tua; super cælos.

Ex ore infantium, & lactentium perfecisti laudem propter inimicos tuos; ut destruas inimicum, & ultorem.

Quoniam video cælos tuos opera digitorum tuorum; lunam, & stellas, quæ tu fundasti.

Quid est homo, quod memor es ejus: aut filius hominis, quoniam visitas eum.

Minuisti eum paulò minis ab Angelis, gloria, & honore coronasti eum: & constituisti eum super opera manuum tuarum.

Omnia subiecisti sub pedibus ejus: oves, & boves universas, insuper & pecora campi.

Volucres cæli, & pisces maris; qui perambulant semitas maris.

Domine Dominus noster: quàm admirabile est nomen tuum in universa terra.

Gloria Patri, & Filio, & Spiritui Sancto, &c.

*Antiphona.* Sicut fortis ad bellum, ita Sacerdos festinabat ad martyrium.

ÿ. Posuisti Domine super caput ejus.

R. Coronam de lapide pretioso. Pater noster.

Ipsius pietas Jube domane. Deus Pater omnipotens.

*Lectio quarta.*

**V**igilius Romæ, claro genere ortus, anno trecentesimo octuagesimo tertio, una cum Claudiano, & Magoriano fratribus, & matre Maxentiana Tridentum venit, ubi paulò post, defuncto Astero

rio Episcopo, annos natus viginti, propter eximias virtutes, ei Episcopus suffectus est. Quo munere suscepto, primum civitatem erroribus hæreticorum, qui tunc latè vigebant, assidua verbi Dei prædicatione, & vigilantia purgavit. Deinde in pagos egressus, quorum pars magna adhuc imaginibus deorum sacrificabat, non segnius illos quoque docendo, & monendo adduxit, ut salutari Baptismo expiarentur. Divina enim præventus gratia, prædicationem suam vita integerrima, miraculorumque efficacia confirmabat. Crucis etenim signaculo, & Christi nomine invocato, cæcos, ac mutos, & à dæmonibus obsessos continuò liberabat. Tu autem.

ÿ. Vigilii sanctitas, & doctrina sic eluxit, ut annos natus viginti ad Episcopatum deposceretur, propterea Deus posuit super caput ejus coronam de lapide pretioso.

ÿ. Pugnavit adversus gentium, & hæreticorum errores, Propterea. Jube domne. Christus perpetuæ.

*Lectio quinta.*

**C**UM autem in agro quoque Veronensi, & Brixiano, profani adhuc dæmonum cultus, ad quos eiciens dos proprii Episcopi non au-

debant egredi, retinerentur: impavidus illuc vir sanctus accessit, & prædicationis vi, incolas, sancto spiritu cooperante, nefandos ritus abijcere coegit, atque illic plus triginta fundavit Ecclesias. Ad suos reversus secum duxit Sifiniū, Martyrium, & Alexandrum, sanctitate, & doctrina præcipuos. Qui ab eo postea ad prædicandum missi, cum plurimos Annaniae populos ad Christi fidem convertissent, repente ab indigenis comprehensi, & diris modis excruciat, coronam martyrii consequi meruerunt. Eò Vigilius, nulla interposita mora, cucurrit, ut perditas oves Domino quamprimum vel proprio sanguine recuperaret. Neque ei divinum auxilium defuit, quandoquidem circumfusus liberè increpans, atque ad saniora consilia vehementi oratione instruens, subito ad poenitentiam versos ab immolationibus impiis ad Christianæ fidei veritatem perduxit: atque dejectis passim dæmonum delubris, crucis vexillum sublimè in tota valle apparuit.

R. Beatus Vigilus ex agris Veronensi, & Brixiano dæmonum cultus ejecit, plurimasque illic fundavit Ecclesias. Et ideo dedit illi Deus claritatem æternam.

Ÿ. In valle Annanæ perditas oves Domino lucrificavit. Et ideo dedit illi Deus. Jube domine. Ignem sui amoris.

*Leclio sexta.*

**S**OLA restabat Randena Valis, quæ reliquo gregi conjungeretur. Ergo sanctus Episcopus, ut ne hanc quoque partem negligeret, illuc celeriter contendit. Cumque in ripa Sacæ Fluminis æream Saturni simulacrum, quod incolæ præterita superstitione frequentes venerabantur, contempserat; extulit oculos, & manus in cælum, & dixit: Gratias tibi ago Christe, quod me dignum fecisti, ut hodie, quod tamdiu desideravi, tandem invenirem. Tum, Spiritu Sancto repletus, prorupit in medium, & Idolum illud in Christi nomine percussit, mirabiliterque contractum projecit in profluentem. Cumque, marmorea deinde statuæ basi contenta, salutiferam prædicationem, fervens spiritu, exorsus fuisset: illi ira inflammati, undique convolarunt: & coniecto in eum lapidum imbre densissimo, invictus martyr inter crepitantes ictus conspersum sanguine vultum in cælum attollens, ad superna præmia lætus migravit sexto Kalen. Ju-

li, anno ætatis suæ quadragesimo, Episcopatus vigesimo. Cujus sanctum corpus, magno populi comitatu, multis cum lacrymis Tridentum delatum, ibi in Basilica, a se erecta, honorificè sepultum est.

℞. Sanctus Vigilus prorupit in medium, & dejecto idolo, ad martyrii palmam, quam diu desideraverat, pervenit. Et voluntate labiorum ejus non fraudavit illum Deus.

Ÿ. Inter crepitantes ictus in cælum migravit. Et voluntate labiorum.

Gloria Patri, & Filio, & Spiritui Sancto. Et voluntate. *In tertio Nocturno. Antiphona.*

In catholica fide firmam, & unanmem civitatem exhibui.

*Psalmus 10.*

**I**N Domino confido, quomodo dicitis animæ meæ? transmigra in montem, sicut passer.

Quoniam ecce peccatores intenderunt arcum; paraverunt sagittas suas in pharetra; ut sagittent in obscuro rectos corde.

Quoniam, quæ perfecisti destruxerunt; justus autem quid fecit?

Dominus in templo sancto suo: Dominus in cælo sedes ejus.

Oculi ejus in pauperem respiciunt; palpebræ ejus interrogant filios hominum.

Dominus interrogat justum, & impium; qui autem diligit iniquitatem odit animam suam.

Pluet super peccatores laqueos: ignis, sulphur, & spiritus procellarum, pars calicis eorum.

Quoniam justus Dominus, & justitiam dilexit; æquitatem vidit vultus ejus.

Gloria Patri, & Filio, & Spiritui Sancto, &c.

*Antiphona.* In catholica fide firmam, & unanmem civitatem exhibui.

*Antiphona.* Dura agricolarum corda prædicationis virtute ad Christum Dominum inflexi.

*Psalms 14.*

**D**omine quis habitabit in tabernaculo tuo? aut quis requiescet in monte sancto tuo.

Qui iugreditur sine macula; & operatur justitiam.

Qui loquitur veritatem in corde suo; qui non egit dolum in lingua sua.

Nec fecit proximo suo malum: & opprobrium non accepit adversus proximos suos.

Ad nihilum deductus est in conspectu ejus malignus;

timentes autem Dominum glorificat.

Qui jurat proximo suo, & non decipit; qui pecuniam suam non dedit ad usuram, & munera super innocentem non accepit.

Qui facit hæc: non movebitur in æternum.

Gloria Patri, & Filio, & Spiritui Sancto, &c.

*Antiphona.* Dura agricolarum corda prædicationis virtute ad Christum Dominum inflexi.

*Antiphona.* Pauci temporis ærumnis emi nunquam defutura gaudia.

*Psalms 10.*

**D**omine in virtute tua lætabitur rex: & super salutare tuum exultabit vehementer.

Desiderium cordis ejus tribuisti ei: & voluntate labiorum ejus non fraudasti eum.

Quoniam prævenisti eum in benedictionibus dulcedinis; posuisti in capite ejus coronam de lapide pretioso.

Vitam petiit à te; & tribuisti ei longitudinem dierum in sæculum, & in sæculum sæculi.

Magna est gloria ejus in salutare tuo; gloriam, & magnum decorem impones super eum.

A S

Quo-

Quoniam dabis eum in benedictionem in sæculum sæculi; lætificabis eum in gaudio cum vultu tuo.

Quoniam Rex sperat in Domino; & in misericordia Altissimi non commovebitur.

Inveniatur manus tuas omnibus inimicis tuis; dextera tua inveniatur omnes, qui te oderunt.

Pones eos ut cinabum ignis in tempore vultus tui; Dominus in ira sua conturbabit eos, & devorabit eos ignis.

Fructum eorum de terra perdes; semen eorum à filiis hominum.

Quoniam declinaverunt in te mala; cogitaverunt consilia, quæ non potuerunt stabilire.

Quoniam pones eos dorsum; in reliquis tuis præparabis vultum eorum.

Exaltare Domine in virtute tua: cantabimus, & psallemus virtutes tuas.

Gloria Patri, & Filio, & Spiritus Sancto, &c.

*Antiphona.* Pauci temporis ærumnis emi numquam desitura gaudia.

ŷ. Magna est gloria ejus in salutari tuo.

℞. Gloriam, & magnum decorem impones super eum.

Pater noster. A vinculis. Jube domne. Evangelica lectio.

*Lectio septima. Cap. 16.*

*Lectio Sancti Evangelii secundum Mattheum.*

**I**n illo tempore dixit Jesus Discipulis suis: Si quis vult venire post me, abneget semetipsum, & tollat crucem suam, & sequatur me. Et reliqua.

Homilia S. Gregorii Papæ.

*Hom. 32. in Evang.*

**Q**uia Dominus, ac Redemptor noster, novus homo venit in mundum, nova præcepta dedit mundo. Vitæ etenim nostræ veteri in vitiis enutritæ, contrarietatem opposuit novitatis suæ. Quid enim vetus, quid carnalis homo noverat? nisi sua retinere, aliena rapere, si posset, concupiscere, si non posset? Sed cœlestis medicus singulis quibusque vitiis obviantia adhibet medicamenta. Nam, sicut arte medicinæ calida frigidis, frigida calidis curantur; ita Dominus noster contraria opposuit medicamenta peccatis; ut lubricis continentiam, tenacibus largitatem, iracundis mansuetudinem, elatis præciperet humilitatem.

℞. Lapidum procella petitus, te Deum non negavi. Et in ipso mortis agone Dominum Jesum Christum confessus sum.

ŷ. Ad

ŷ. Ad afferatos accedere  
nontimui. Et in iplo.

Jube domne. Cujus Fæstum  
colimus.

*Lectio oclava.*

**C**ertè cùm se sequentibus  
nova mandata proponeret,  
dixit: Nisi quis renun-  
tiaverit omnibus, quæ possi-  
det, non potest meus esse di-  
scipulus: ac si apertè dicat.  
Qui per vitam veterem aliena  
concupiscitis, per novæ con-  
versationis studium, & vestra  
largimini. Quid verò in hac  
lectiõne dicat, audiamus. Qui  
vult venire post me, abneget  
semetipsum. Ibi dicitur, ut  
abnegemus nostra; hic dicitur,  
ut abnegemus nos, & fortasse  
laboriosum non est homini  
relinquere sua, sed valde  
laboriosum est relinque-  
re semetipsum. Minus quippe  
est abnegare quod habet; val-  
de autem multum est abnega-  
re quod est.

\*. Iste est prædicator veri-  
tatis acerrimus, qui oves er-  
rantes ad fidelem reduxit gre-  
gem. Beate Vigili, martyr  
Christi intercede pro nobis.

ŷ. Iste est, per quem tot  
populi cognoverunt gratiam  
Dei Beate Vigili. Gloria Bea-  
te Vigili.

Jube domne. Ad societa-  
tem.

*Lectio nona.*

**A**d te autem nobis venien-  
tibus Dominus præcep-  
pit, ut renuntiemus nostris;  
quia, qui ad fidei agonem ve-  
nimus, luctamen contra ma-  
lignos spiritus sumimus. Nihil  
autem maligni spiritus in hoc  
mundo proprium possident;  
nudi ergo cum nudis luctari  
debemus. Nam si vestitus quis-  
quam cum nudo luctatur, ci-  
tius ad terram deijcitur, quia  
habet unde teneatur. Quid  
enim sunt terrena omnia, nisi  
quædam corporis indumenta?  
Qui ergo contra diabolum ad  
certamen properat, vestimen-  
ta abijciat, ne succumbat.

*Hymnus Sancti Ambrosii,  
& Augustini.*

**T**E Deum laudamus: te  
Dominum confitemur.

Te æternum Patrem; omnis  
terra veneratur.

Tibi omnes Angeli: tibi cœ-  
li, & univèrsa potestates.

Tibi Cherubim, & Sera-  
phim incessabili voce procla-  
mant.

Sanctus, Sanctus, Sanctus,  
Dominus Deus Sabaoth.

Pleni sunt cœli, & terra  
majestatis gloriæ tuæ.

Te gloriosus Apostolorum  
chorus.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum sancta confitetur Ecclesia.

Patrem immensæ majestatis.

Venerandum tuum verum, & unicum Filium.

Sanctum quoque paraclitum Spiritum.

Tu Rex gloriæ Christe.

Tu Patris sempiternus es Filius.

Tu ad liberandum suscepturus hominem: non horruisti Virginis uterum.

Tu devicto mortis aculeo, aperuisti credentibus regna cælorum.

Tu ad dexteram Dei sedes in gloria Patris.

Judex crederis esse venturus.

Te ergo, quæsumus, tuis famuli subveni: quos pretioso sanguine redemisti.

Æterna fac cum Sanctis tuis in gloria numerari.

Salvum fac populum tuum Domine: & benedic hæreditati tuæ.

Et reges eos, & extolle illos usque in æternum.

Per singulos dies benedicimus te.

Et laudamus nomen tuum in sæculum: & in sæculum sæculi.

Dignare Domine diē isto:

sine peccato nos custodire.

Miserere nostri Domine: miserere nostri.

Fiat misericordia tua Domine super nos: quemadmodum speravimus in te.

In te Domine speravi: non confundar in æternum.

*Ad Laudes, & per Horas  
Antiphona.*

Sanctus Vigilius, vigil Sacerdos, dies, & noctes ad Christi ovile vigilavit, nec inde lupos expellere cessavit.

*Psalmus 92.*

**D**ominus regnavit, decorem indutus est: indutus est Dominus fortitudinem, & præcinxit se.

Etenim firmavit orbem terræ; qui non commovebitur.

Parata sedes tua ex tunc: à sæculo tu es.

Elevaverunt flumina Domine: elevaverunt flumina vocem suam.

Elevaverunt flumina fluctus suos: à vocibus aquarum multarum.

Mirabiles elationes maris: mirabilis in altis Dominus.

Testimonia tua credibilia facta sunt nimis: domum tuam decet sanctitudo Domine in longitudinem dierum.

Gloria Patri, & Filio, & Spiritui Sancto, &c.

*Anti-*

*Antiphona.* Sanctus Vigilus, vigil sacerdos, dies, & noctes ad Christi ovile vigilavit, nec inde lupos expellere cessavit.

*Antiphona.* Beatus Vigilus confessus est nomen Domini Jesu Christi, & pro illo mori non dubitavit.

*Psalmus 99.*

**J**ubilate Deo omnis terra; servite Domino in lætitia. Introite in conspectu ejus; in exultatione.

Scitote, quoniam Dominus ipse est Deus; ipse fecit nos, & non ipsi nos.

Populus ejus, & oves pascuæ ejus: introite portas ejus in confessione, atria ejus in hymnis confitemini illi.

Laudate nomen ejus, quoniam suavissimus est Dominus; in æternum misericordia ejus: & usque in generationem, & generationem veritas ejus.

Gloria Patri, & Filio, & Spiritui Sancto, &c.

*Antiphona.* Beatus Vigilus confessus est nomen Domini Jesu Christi, & pro illo mori non dubitavit.

*Antiphona.* In memoria æterna erit justus Vigilus, quoniam Dominum fidelis minister secutus est.

*Psalmus 62.*

**D**eus Deus meus: ad te de luce vigilo.

Sitivit in te anima mea; quàm multipliciter tibi caro mea.

In terra deserta, & in via, & in aquosa: sic in sancto apparui tibi, ut viderem virtutem tuam, & gloriam tuam.

Quoniam melior est misericordia tua super vitas: labia mea laudabunt te.

Sic benedicam te in vita mea: & in nomine tuo levabo manus meas.

Sicut adipe, & pinguedine repletur anima mea: & labiis exultationis laudabit os meum.

Si memor fui tui super stratum meum, in matutinis meditabor in te: quia fuisti adjutor meus.

Et in velamento alarum tuarum exultabo, adhæsit anima mea post te: me suscepit dextera tua.

Ipsi verò in vanum quæserunt animam meam, introibunt in inferiora terræ: tradentur in manus gladii, partes vulpium erunt.

Rex verò lætabitur in Deo, laudabuntur omnes qui jurant in eo: quia obstructum est os loquentium iniqua.

*Psalmus 66.*

**D**eus misereatur nostri,  
& benedicat nobis; il-  
luminet vultum suum super  
nos, & misereatur nostri.

Ut cognoscamus in terra  
viam tuam; in omnibus gen-  
tibus salutare tuum.

Confiteantur tibi populi  
Deus: confiteantur tibi populi  
omnes.

Latentur, & exultent gen-  
tes: quoniam iudicas populos  
in æquitate, & gentes in terra  
dirigis.

Confiteantur tibi populi  
Deus, confiteantur tibi po-  
puli omnes: terra dedit fru-  
ctum suum.

Benedicat nos Deus, Deus  
noster, benedicat nos Deus:  
& metuant eum omnes fines  
terræ.

Gloria Patri, & Filio, &  
Spiritui Sancto, &c.

*Antiphona.* In memoria æter-  
na erit justus Vigilius, quo-  
niam Dominum fidelis mini-  
ster secutus est.

*Antiphona.* Honorificavit  
eum Deus, & collocavit eum  
principibus populi sui.

*Canticum trium puerorum.**Dan. 3.*

**B**enedicite omnia opera  
Domini Domino; lau-  
date, & superexaltate eum  
in sæcula.

Benedicite Angeli Domini  
Domino: benedicite cæli Do-  
mino.

Benedicite aquæ omnes,  
quæ super cælos sunt Domi-  
no: benedicite omnes virtu-  
tes Domini Domino.

Benedicite Sol, & Luna  
Domino: Benedicite Stellæ  
cæli Domino.

Benedicite omnis imber, &  
ros Domino: benedicite om-  
nes spiritus Dei Domino.

Benedicite ignis, & æstus  
Domino: benedicite frigus,  
& æstus Domino.

Benedicite rores, & pruina  
Domino: benedicite gelu, &  
frigus Domino.

Benedicite glacies, & niv-  
es Domino: benedicite no-  
ctes, & Dies Domino.

Benedicite lux, & tenebræ  
Domino: benedicite fulgura,  
& nubes Domino.

Benedicat terra Domi-  
num: laudet, & superexal-  
tet eum in sæcula.

Benedicite montes, & col-  
les Domino: benedicite uni-  
versa germinantia in terra  
Domino.

Benedicite fontes Domino:  
benedicite maria, & flumina  
Domino.

Benedicite cete, & omnia,  
quæ moventur in aquis Do-  
mino: benedicite omnes vo-  
lucres cæli Domino.

Benedicite omnes bestia, &  
pecora

pecora Domino; benedicite filii hominum Domino.

Benedicat Israel Dominum: laudet, & superexaltet eum in sæcula.

Benedicite Sacerdotes Domini Domino: benedicite servi Domini Domino.

Benedicite spiritus, & animæ iustorum Domino: benedicite Sancti, & humiles corde Domino.

Benedicite Anania, Azaria, Misael Domino: laudate, & superexaltate eum in sæcula.

Benedicamus Patrem, & Filium cum Sancto Spiritu: laudemus, & superexaltemus eum in sæcula.

Benedictus es Domine in firmamento cœli: & laudabilis, & gloriosus, & superexaltatus in sæcula. *Hic non dicitur: Gloria.*

*Antiphona.* Honorificavit eum Deus, & collocavit eum principibus populi sui.

*Antiphona.* Gratias tibi ago Christe, quia me dignum testisti, ut, quod diu desideraveram, jam invenirem.

*Psalmus 148.*

**L**Audate Dominum de cœlis: laudate eum in excelsis.

Laudate eum omnes Angeli ejus: laudate eum omnes virtutes ejus.

Laudate eum Sol, & Luna: laudate eum omnes stelle, & lumen.

Laudate eum cœli cœlorum: & aquæ omnes, quæ super cœlos sunt, laudent nomen Domini.

Quia ipse dixit & facta sunt: ipse mandavit, & creata sunt.

Statuit ea in æternum, & in sæculum sæculi: præceptum posuit, & non præteribit.

Laudate Dominum de terra; dracones, & omnes abyssi.

Ignis, grando, nix, glacies, spiritus procellarum: quæ faciunt verbum ejus.

Montes, & omnes colles: ligna fructifera, & omnes cedri.

Bestiæ, & universa pecora: serpentes, & volucres pennatæ.

Reges terræ, & omnes populi: principes, & omnes iudices terræ.

Juvenes, & virgines, senes, cum junioribus laudent nomen Domini: quia exaltatum est nomen ejus solius.

Confessio ejus super cœlum, & terram: & exaltavit cornu populi sui.

Hymnus omnibus sanctis ejus: filiis Israel, populo appropinquanti sibi.

*Psalmus 149.*

**C**Antate Domino canticum novum: laus ejus in ecclesia sanctorum.

Late-

Lætetur Israel in eo, qui fecit eum; & filii Sion exultent in rege suo.

Laudent nomen ejus in choro: in tympano, & psalterio psallant ei.

Quia beneplacitum est Domino in populo tuo: & exaltabit mansuetos in salutem.

Exultabunt sancti in gloria: lætabuntur in cubilibus suis.

Exaltationes Dei in guttore eorum: & gladii ancipites in manibus eorum.

Ad faciendam vindictam in nationibus: increpationes in populis.

Ad alligandos reges eorum in compedibus: & nobiles eorum in manicis ferreis.

Ut faciant in eis iudicium conscriptum: gloria hæc est omnibus sanctis ejus.

*Psalmus 150.*

**L**Audate Dominum in sanctis ejus: laudate eum in firmamento virtutis ejus.

Laudate eum in virtutibus ejus: laudate eum secundum multitudinem magnitudinis ejus.

Laudate eum in sono tubæ: laudate eum in psalterio, & cithara.

Laudate eum in tympano, & choro: laudate eum in chordis, & organo.

Laudate eum in cymbalis benesonantibus, laudate eum

in cymbalis jubilationis: omnis spiritus laudet Dominum.

Gloria Patri, & Filio, & Spiritui Sancto, &c.

*Antiphona.* Gratias tibi ago Christe, quia me dignum fecisti, ut, quod diu desideraveram, jam invenirem.

*Capitul. Eccl. 50.*

**I**N diebus iusti manaverunt putei aquarum, & quasi mare adimpleti sunt supra modum.

R. Deo Gratias.

*Hymnus.*

**Q**uem tuus dignè tibi grex honorem.

Luce persolvat bone pastor alma.

Luce, quæ sanctè recolenda nobis.

Gaudia reddit?

Hac die fulgens tibi porta cœli

Panditur, dum nec lapidum nefandus

Ille te nimbus, neque mortis atra.

Terret imago.

Tu quidem verbo, angelicaque vita,

Traxeras mortis populos ab umbra,

Sed tuo firmasti hodie salutem.

Sanguine nobis.

Tu tuos, & nunc miseratus audi:

Heu vide, quæ nos feriant procellæ,

Quæ

Quæ premant culpæ : veniam precare.

Et rege fessos.

Præstet hoc nobis Deitas beata

Patris , ac Nati , pariterq; Sancti.

Spiritus , cujus canitur per omne.

Gloria seclum. Amen.

ÿ. Ora pro nobis Beate

Vigili.

&. Ut digni efficiamur promissionibus Christi.

*Ad Benedictus. Antiphona.*

Solemnis nobis illuxit dies , in quo sacer Antistes , & Martyr Vigilus , multis in terris pollens miraculis , Angelorum in cœlis meruit consortium.

*Canticum Zachariae. Luca 1.*

**B**enedictus Dominus Deus Israel : quia visitavit , & fecit redemptionem plebis sue.

Et erexit cornu salutis nobis : in Domo David pueri sui.

Sicut locutus est per os sanctorum : qui à sæculo sunt prophetarum ejus.

Salutem ex inimicis nostris : & de manu omnium , qui oderunt nos.

Ad faciendam misericordiam cum patribus nostris : & memorari testamenti sui sancti.

Jurjurandum , quod juravit ad Abraham patrem nostrum : daturum se nobis.

Ut sine timore de manu inimicorum nostrorum liberati : serviamus illi.

In sanctitate , & justitia coram ipso : omnibus diebus nostris.

Et tu puer propheta Altissimi vocaberis : precibus enim ante faciem Domini parare vias ejus.

Ad dandam scientiam salutis plebi ejus : in remissionem peccatorum eorum.

Per viscera misericordie Dei nostri : in quibus visitavit nos , oriens ex alto.

Illuminare his , qui in tenebris , & in umbra mortis sedent : ad dirigendos pedes nostros in viam pacis.

Gloria Patri , & Filio , &c.

*Antiphona.* Solemnis nobis illuxit dies , in quo sacer Antistes , & Martyr Vigilus , multis in terris pollens miraculis , Angelorum in cœlis meruit consortium.

*Oratio.*

**D**eus , qui hunc diem nobis , Beati Vigilii Martyris tui atque Pontificis sanguine consecrasti : da quaesumus , ut ejus meritis ab omnibus semper adversis defensi , aeternæ vitæ præmia consequamur.

quamur. Per Dominum nostrum Iesum Christum filium tuum, &c.

*Ad primam.*

Pater noster. Ave Maria. Credo.

ÿ. Deus in adiutorium, &c.

*Hymnus.*

**J**AM lucis orto sidere  
Deum precemur supplices,  
Ut in diurnis actibus  
Nos servet à nocentibus.  
Linguam refrænans temperet,  
Ne litis horror insonet,  
Visum fovendo contegat,  
Ne vanitates hauriat.  
Sint pura cordis intima,  
Absistat, & vecordia,  
Carnis terat superbiam  
Potus, cibique parcitas.  
Ut, cum dies abscesserit,  
Noctemque fors reducerit,  
Mundi per abstinentiam  
Ipsi canamus gloriam.  
Deo Patri sit gloria,  
Ejulse soli Filio,  
Cum Spiritu Paraclito,  
Nunc, & per omne sæculum. Amen.

*Antiphona.* Sanctus Vigilus.

*Psalms 53.*

**D**Eus in nomine tuo sal-  
vum me fac: & in vir-  
tute tua judica me.

Deus exaudi orationem  
meam: auribus percipe ver-  
ba oris mei.

Quoniam alieni insurrex-  
erunt adversum me, & for-  
tes quæsierunt animam meã:  
& non proposuerunt Deum  
ante conspectum suum.

Ecce enim Deus adjuvat  
me: & Dominus susceptor  
est animæ meæ.

Averte mala inimicis meis:  
& in veritate tua disperde il-  
los.

Voluntariè sacrificabo tibi:  
& confitebor nomini tuo Do-  
mine, quoniam bonum est.

Quoniam ex omni tribu-  
latione eripuisti me: & super  
inimicos meos despexit oculus  
meus.

Gloria Patri, & Filio, &c.

*Psalms 118.*

**B**Eati immaculati in via;  
qui ambulant in lege  
Domini.

Beati, qui scrutantur te-  
stimonium ejus: in toto corde  
exquirunt eum.

Non enim, qui operantur  
iniquitatem: in vijs ejus am-  
bulaverunt.

Tu mandasti; mandata  
tua custodiri nimis.

Utinam dirigantur viæ  
meæ; ad custodiendas justi-  
ficationes tuas.

Tunc non confundar; cum  
perspexero in omnibus man-  
datis tuis.

Con-

Confitebor tibi in directione cordis: in eo, quod didici iudicia iustitiæ tuæ.

Justificationes tuas custodiam; non me derelinquas usquequaque.

In quo corrigit adolescentior viam suam; in custodiendo sermones tuos.

In toto corde meo exquisivi te: ne repellas me à mandatis tuis.

In corde meo abscondi eloquia tua: ut non peccem tibi.

Benedictus es Domine; doce me justificationes tuas.

In labijs meis pronuntiavi; omnia iudicia oris tui.

In via testimoniorum tuorum delectatus sum; sicut in omnibus divitijs.

In mandatis tuis exercebor: & considerabo vias tuas.

In justificationibus tuis meditabor; non obliviscar sermones tuos.

Gloria Patri, & Filio, & Spiritui Sancto, &c.

**R**etribue servo tuo, vivifica me: & custodiam sermones tuos.

Revela oculos meos: & considerabo mirabilia de lege tua.

Incola ego sum in terra; non abscondas à me mandata tua.

Concupivit anima mea de-

siderare justificationes tuas; in omni tempore.

Increpasti superbos; maledicti, qui declinant à mandatis tuis.

Aufer à me opprobrium, & contemptum; quia testimonia tua exquisivi.

Etenim sederunt Principes, & adversum me loquebantur; servus autem tuus exercebatur in justificationibus tuis.

Nam, & testimonia tua meditatio mea est: & consilium meum justificationes tuæ.

Adhæsit pavimento anima mea; vivifica me secundum verbum tuum.

Vias meas enuntiavi, & exaudisti me; doce me justificationes tuas.

Viam justificationum tuarum instrue me: & exercebor in mirabilibus tuis.

Dormitavit anima mea præ tædio: confirma me in verbis tuis.

Viam iniquitatis amove à me; & de lege tua miserere mei.

Viam veritatis elegi; iudicia tua non sum oblitus.

Adhæsit testimonijs tuis Domine: noli me confundere.

Viam mandatorum tuorum cucurri; cum dilatasti cor meum.

Gloria Patri, & Filio, &c.

*Antiphona.* Sanctus Vigilius vigil sacerdos, dies, & noctes ad Christi ovile vigilavit, nec inde lupos expellere cessavit.

*Capitulum 1. Tim. 1.*

**R**Egi saeculorum immortalis, & invisibilis, soli Deo honor, & gloria in saecula saeculorum. Amen.

R. Deo gratias.

R. *Breve.* Christe fili Dei vivi, Miserere nobis. & repetitur. Christe fili Dei vivi, miserere nobis.

Ÿ. Qui sedes ad dexteram Patris.

R. Miserere nobis. Ÿ. Gloria Patri, & Filio, &c.

R. Christe fili Dei vivi, miserere nobis.

Ÿ. Exurge Christe, adjuva nos.

R. Et libera nos propter nomen tuum.

Dominus vobiscum. R. Et cum spiritu tuo.

*Oratio.*

**D**omine Deus omnipotens, qui ad principium huius diei nos pervenire fecisti: tua nos hodie salute; ut in hac die ad nullum declinemus peccatum, sed semper ad tuam iustitiam faciendam nostra procedant

eloquia, dirigantur cogitationes, & opera. Per Dominum nostrum Jesum Christum filium tuum: qui tecum vivit, & regnat in unitate Spiritus Sancti Deus per omnia saecula saeculorum.

R. Amen. Ÿ. Dominus vobiscum.

R. Et cum spiritu tuo.

Ÿ. Benedicamus Domino,

R. Deo gratias.

*Deinde in Choro legitur Martyrologium.*

Ÿ. Pretiosa in conspectu Domini.

R. Mors Sanctorum ejus.

*Oratio.*

**S**ancta MARIA, & omnes Sancti intercedant pro nobis ad Dominum: ut nos mereamur ab eo adjuvari, & salvari, qui vivit, & regnat in saecula saeculorum.

R. Amen.

Ÿ. Deus in adiutorium meum intende.

R. Domine ad adjuvandum me festina.

*Et dicitur ter, ultimo additur.*

Gloria Patri. Sicut erat.

Kyrie eleison. Christe eleison.

Kyrie eleison.

Pater noster. Ÿ. Et ne nos inducas in tentationem. Sed libera nos a malo.

Ÿ. Respice in servos tuos Domine,

& in opera tua, & dirige filios

filios eorum. R. Et sit splendor Domini Dei nostri super nos, & opera manuum nostrarum dirige super nos, & opus manuum nostrarum dirige. V. Gloria Patri. R. Sicut erat.

*Oratio.*

**D**irigere, & sanctificare, regere, & gubernare, dignare Domine Deus, Rex cœli, & terræ, hodie corda, & corpora nostra, sensus, sermones, & actus nostros in lege tua, & in operibus mandatorum tuorum: ut hic, & in æternum, te auxiliante, salvi, & liberi esse mereamur, Salvator mundi. Qui vivis, & regnas in sæcula sæculorum. R. Amen. Jube domne benedicere. *Bñs.* Dies, & actus nostros in sua pace disponat Dominus omnipotens. Amen.

*Lectio brevis.*

*Capitulum. Eccl. 50.*

**A**mplificatus est, quasi stella matutina in medio nebulae, & quasi luna plena, in diebus suis luxit, & sicut sol, resulsit in templo Dei. Tu autem Domine miserere nobis. R. Deo gratias.

V. Adjutorium nostrum in nomine Domini.

R. Qui fecit cœlum, & terram.

V. Benedicite. R. Deus. *Benedictio.* Dominus nos benedicat, & omni malo defendat, & ad vitam perducatur æternam: & Fidelium anime per misericordiam Dei requiescant in pace. R. Amen.

*Ad Tertiam.*

Pater noster. Ave Maria. Deus in adjutorium.

*Hymnus.*

(tus  
**N**unc sancte nobis Spiritum  
Unum Patrem cum Filio,  
Dignare promptus ingeri  
Nostro refusus pectore.  
Os, lingua, mens, sensus, vigor,  
Confessionem personent,  
Flammescat igne charitas,  
Accendat ardor proximos.  
Presta Pater piissime,  
Patrique compar Unice,  
Cum Spiritu Paraclito  
Regnans per omne sæculum.  
Amen.

*Antiphona.* Beatus Vigilus.

*Psalmus.*

**L**egem pone mihi Domine  
Viam justificationum tuarum;  
& exquiram eam semper.

Da mihi intellectum, & scrutabor legem tuam: & custodiam illam in toto corde meo.

Deduc

Deduc me in semitam,  
mandatorum tuorum : quia  
ipsam volui.

Inclina cor meum in testi-  
monia tua : & non in avari-  
tiam.

Averte oculos meos ne vi-  
deant vanitatem : in via tua  
vivifica me.

Statue servo tuo eloquium  
tuum : in timore tuo.

Amputa opprobrium meum,  
quod suspicatus sum : quia  
iudicia tua jucunda.

Ecce, concupivi mandata  
tua : in æquitate tua vivifica  
me.

Et veniat super me miseri-  
cordia tua Domine : saluta-  
re tuum secundum eloquium  
tuum.

Et respondebo exproban-  
tibus mihi verbum : quia spe-  
ravi in sermonibus tuis.

Et ne auferas de ore meo  
verbum veritatis usquequa-  
que : quia in iudiciis tuis  
superasperavi.

Et custodiam legem tuam  
semper : in sæculum , & in  
sæculum sæculi.

Et ambulabant in latitu-  
dine : quia mandata tua ex-  
quisivi.

Et loquebar de testimoniis  
tuis in conspectu Regum : &  
non confundebam.

Et meditabar in mandatis  
tuis : quæ dilexi.

Et levavi manus meas ad

mandata tua , quæ dilexi :  
& exercebar in justificati-  
onibus tuis.

Gloria Patri , & filio , &  
Spiritu Sancto , &c.

*Psalmus.*

**M**emor esto verbi tui  
servo tuo : in quo mi-  
hi spem dedisti.

Hæc me consolata est in  
humilitate mea : quia elo-  
quium tuum vivificavit me.

Superbi iniquè agebant us-  
quequaque : à lege autem tua  
non declinavi.

Memor fui iudiciorum tuo-  
rum à sæculo Domine : &  
consolatus sum.

Defectio tenuit me : pro  
peccatoribus derelinqnentibus  
legem tuam.

Cantabiles mihi erant ju-  
stificationes tuæ : in loco pe-  
grinationis meæ.

Memor fui nocte nominis  
tui Domine : & custodivi le-  
gem tuam.

Hæc facta est mihi : quia  
justificationes tuas exquisivi.

Portio mea Domine ; dixi  
custodire legem tuam.

Deprecatus sum faciem  
tuam in toto corde meo : mi-  
serere mei secundum eloquium  
tuum.

Cogitavi vias meas : &  
converti pedes meos in testi-  
monia tua.

Para-

Paratus sum, & non sum turbatus: ut custodiam mandata tua.

Funes peccatorum circumplexi sunt me: & legem tuam non sum oblitus.

Media nocte surgebam ad confitendum tibi: super iudicia justificationis tuæ.

Particeps ego sum omnium timentium te: & custodientium mandata tua.

Misericordia tua Domine plena est terra; justificationes tuas doce me. Gloria Patri, & Filio, & Spiritui Sancto, &c.

**B**onitatem fecisti cum seruo tuo Domine: secundum verbum tuum.

Bonitatem, & disciplinam, & scientiam doce me; quia mandatis tui credidi.

Priusquam humiliarer ego deliqui; propterea eloquium tuum custodivi.

Bonus es tu; & in bonitate tua doce me justificationes tuas.

Multiplicata est super me iniquitas superborum: ego autem in toto corde meo scrutabor mandata tua.

Coagulatum est sicut lac cor eorum; ego verò legem tuam meditatus sum.

Bonum mihi quia humiliasti me: ut discam justificationes tuas.

Bonum mihi lex oris tui;

super millia auri, & argenti.

Manus tuæ fecerunt me, & plasmaverunt me; da mihi intellectum, & discam mandata tua.

Qui timent te, videbunt me, & lætabuntur: quia in verba tua supersperavi.

Cognovi Domine, quia æquitas iudicia tua: & in veritate tua humiliasti me.

Fiat misericordia tua, ut consoletur me: secundum eloquium tuum seruo tuo.

Veniant mihi miserationes tuæ, & vivam: quia lex tua meditatio mea est.

Confundantur superbi, quia injustè iniquitatem fecerunt in me: ego autem exercebor in mandatis tuis.

Convertantur mihi timen- teste: & qui noverunt testi- monia tua.

Fiat cor meum immacula- tum in justificationibus tuis: ut non confundar.

Gloria Patri, & Filio, & Spiritui Sancto, &c.

*Antiphona.* Beatus Vigilius confessus est nomen Domini Jesu Christi, & pro illo mori non dubitavit.

*Capitul. Eccl. 50.*

**I**N diebus iusti manaverunt putei aquarum, & quasi mare, adimpleti sunt supra modum.

§. Deo

R. Deo gratias.  
 V. Gloria, & honore, Coronaſti eum Domine.

Gloria, & honore.  
 V. Et conſtituiſti eum ſuper opera manuum tuarum. Coronaſti.

Gloria Patri, &c.

Gloria, & honore.

V. Poſuiſti Domine ſuper caput ejus.

R. Coronam de lapide pretioſo.

*Oratio.*

**D**EUS, qui hunc diem nobis Beati Vigili martiris tui, atque Pontificis ſanguine conſecraſti; da, quaerimus, ut ejus meritis ab omnibus ſemper adverſis deſenſi, aeternae vitae praemia conſequamur. Per Dominum noſtrum **JESUM CHRISTUM** filium tuum, &c.

*Ad Sextam.*

Pater noſter. Ave Maria.  
 Deus in adjutorium.

*Hymnus.*

**R**Ector potes, verax Deus  
 Qui temperas reſu vices,  
 Splendore mane illuminas.  
 Et ignibus meridiem.  
 Extingue flammam litium,  
 Aufer calorem noxium,

Confer ſalutem corporum,  
 Veramque pacem cordium.  
 Praeſta Pater piſſime,  
 Patrique compar Unice,  
 Cum Spiritu Paraclito  
 Regnans per omne ſaeculū.  
 Amen.

*Antiphona.* In memoria aeterna.

*Pſalmus.*

**D**Efecit in ſalutare tuum anima mea: & in verbum tuum ſuperſperavi.

Defecerunt oculi mei in eloquium tuum: dicentes, Quando conſolaberis me?

Quia factus ſum ſicut uter in pruina: juſtificationes tuas non ſum oblitus.

Quot ſunt dies ſervi tui: quando facies de perſequentibus mei judicium?

Narraverunt mihi iniqui fabulationes: ſed non, ut lex tua.

Omnia mandata tua veritas: inique perſecuti ſunt me, adiuva me.

Paulo minus conſummaverunt me in terra: ego autem non dereliqui mandata tua.

Secundum miſericordiam tuam vivifica me: & cuſtodiam teſtimonia oris tui.

In aeternum Domine: verbum tuum permanet in caelo.

In generationem, & generationem veritas tua: fundasti terram, permanet.

Ordinatione tua perseverat dies: quoniam omnia serviunt tibi.

Nisi quod lex tua meditatio mea est: tunc fortè periissem in humilitate mea.

In æternum non obliviscar justificationes tuas: quia in ipsis vivificasti me.

Tuus sum ego, salvum me fac: quoniam justificationes tuas exquisivi.

Me expectaverunt peccatores, ut perderent me; testimonia tua intellexi.

Omnis consummationis vidi finem: latum mandatum tuum nimis.

Gloria Patri, & Filio, &c.

**Q**uomodo dilexi legem tuam Domine? tota die meditatio mea est.

Super inimicos meos prudentem me fecisti mandato tuo: quia in æternum mihi est.

Super omnes docentes me intellexi: quia testimonia tua meditatio mea est.

Super senes intellexi: quia mandata tua quæsi.

Ab omni via mala prohibui pedes meos: ut custodiam verba tua.

A judiciis tuis non declinavi: quia tu legem posuisti mihi.

Quàm dulcia faucibus meis eloquia tua; super mel os meo.

A mandatis tuis intellexi: propterea odivi omnem viam iniquitatis.

Lucerna pedibus meis verbum tuum: & lumen semitis meis.

Juravi, & statui; custodire judicia justitiæ tuæ.

Humiliatus sum usquequaque Domine: vivifica me secundum verbum tuum.

Voluntaria oris mei beneplacita fac Domine; & judicia tua doce me.

Anima mea in manibus meis semper; & legem tuam non sum oblitus.

Posuerunt peccatores laqueum mihi; & de mandatis tuis non erravi.

Hæreditate acquisivi testimonia tua in æternum; quia exultatio cordis mei sunt.

Inclinavi cor meum ad faciendas justificationes tuas in æternum: propter retributionem.

Gloria Patri, & Filio, &c.

**I**niquos odio habui: & legem tuam dilexi.

Adjutor, & susceptor meus es tu: & in verbum tuum superperavi.

Declinate à me maligni: & scrutabor mandata Dei mei.

Suscipe me secundum eloquium tuum, & vivam: & non

non confundas me ab expectatione mea.

Aduva me, & salvus ero: & meditabor in justificationibus tuis semper.

Sprevisti omnes discedentes à judiciis tuis: quia injusta cogitatio eorum.

Prevaricantes reputavi omnes peccatores terræ: ideò dilexi testimonia tua.

Confige timore tuo carnes meas: à judicijs enim tuis timui.

Feci iudicium, & iustitiam: non tradas me calumniantibus me.

Suscipe servum tuum in bonum: non calumnientur me superbi.

Oculi mei defecerunt in salutare tuum: & in eloquium iustitiæ tuæ.

Fac cum servo tuo secundum misericordiam tuam: & justificationes tuas doce me.

Servus tuus sum ego: da mihi intellectum, ut sciam testimonia tua.

Tempus faciendi Domine: dissipaverunt legem tuam.

Ideò dilexi mandata tua: super aurum, & topazion.

Propterea ad omnia mandata tua dirigebar: omnem viam iniquam odio habui.

Gloria Patri, & Filio, & Spiritui Sancto, &c.

*Antiphona.* In memoria æterna erit iustus Vigilus, quo-

niam Dominum fidelis minister secutus est.

*Capitulum. Eccl. 50.*

**C**uravit gentem suam, & liberavit illam à perditione: prævaluit amplificare civitatem, adeptus est gloriam conversionis gentis suæ. & Deo gratias.

Ÿ. Poluisti Domine, Super caput ejus. Posuisti.

℞. Coronam de lapide pretioso. Super caput. Gloria Patri, &c. Posuisti.

Ÿ. Magna est gloria ejus in salutari tuo. ℞. Gloriam, & magnum decorem impones per eum.

*Oratio.*

**D**eus, qui hunc diem nobis Beati Vigilii Martyris tui, atque Pontificis sanguine consecrasti: da quasumus, ut ejus meritis ab omnibus semper adversis defensi, æternæ vitæ præmia consequamur. Per Dominum nostrum Jesum Christum filium tuum, &c.

*Ad nonam.*

Pater noster. Ave Maria. Deus in adiutorium.

**R**erum Deus tenax vigor. Innotus in te permanens, Lucis diurnæ tempora. Successibus determinans.

Largire

Largire lumen vespere,  
 Quo vita nusquam decadat,  
 Sed præmium mortis sacræ  
 Perennis instet gloria.

Præsta Pater pijsime,  
 Patrique compar Unice,  
 Cum Spiritu Pacacito,  
 Regnans per omne sæculum.  
 Amen.

*Antiphona.* Gratias tibi ago.

*Psalms.*

**M**irabilia testimonia tua:  
 ideò scrutata est ea  
 anima mea.

Declaratio sermonum tuo-  
 rum illuminat; & intellectum  
 dat parvulis.

Os meum aperui, & attra-  
 xi spiritum; quia mandata tua  
 desiderabam.

Aspice in me, & miserere  
 mei: secundum iudicium di-  
 ligentium nomen tuum.

Gressus meos dirige secun-  
 dum eloquium tuum: & non do-  
 minetur mei omnis iniustitia.

Redime me à calumniis ho-  
 minum: ut custodiam man-  
 data tua.

Faciem tuam illumina su-  
 per servum tuum: & doce me  
 justificationes tuas.

Exitus aquarum deduxe-  
 runt oculi mei: quia non cu-  
 stodierunt legem tuam.

Iustus es Domine; & re-  
 ctum iudicium tuum.

Mandasti iustitiam testimo-  
 nia tua: & veritatem tuam  
 nimis.

Tabescere me fecit zelus  
 meus: quia oblii sunt verba  
 tua inimici mei.

Ignitum eloquium tuum  
 vehementer: & servus tuus  
 dilexit illud.

Adolescentulus sum ego, &  
 contemptus: justificationes  
 tuas non sum oblitus.

Iustitia tua, iustitia in æter-  
 num; & lex tua veritas.

Tribulatio, & angustia in-  
 venerunt me: mandata tua  
 meditatio mea est.

Æquitas testimonia tua in  
 æternum; intellectum da mi-  
 hi, & vivam.

Gloria Patri, & Filio, &c.

**C**lamavi in toto corde  
 meo, exaudi me Do-  
 mine: justificationes tuas re-  
 quiram.

Clamavi ad te, salvum  
 me fac: ut custodiam man-  
 data tua.

Præveni in maturitatem, &  
 clamavi: quia in verba tua  
 superperavi.

Prævenerunt oculi mei ad  
 te diluculo: ut meditarer elo-  
 quia tua.

Vocem meam audi secun-  
 dum misericordiam tuam Do-  
 mine: & secundum iudicium  
 tuum vivifica me.

Appropinquaverunt perse-  
 quentes me iniquitati: à lege  
 autem tua longè facti sunt.

Propè es tu Domine: &  
 omnes viæ tuæ veritas.

Initio

Initio cognovi de testimoniis tuis: quia in aeternum fundasti ea.

Vide humilitatem meam, & eripe me: quia legem tuam non sum oblitus.

Judica iudicium meum, & redime me; propter eloquium tuum vivifica me.

Longè à peccatoribus salus: quia justificationes tuas non exquisierunt.

Misericordie tuę multę Domine: secundum iudicium tuum vivifica me.

Multi, qui persequuntur me, & tribulant me: à testimoniis tuis non declinavi.

Vidi pravaricantes, & tabescebam: quia eloquia tua non custodierunt.

Vide, quoniam mandata tua dilexi Domine: in misericordia tua vivifica me.

Principium verborum tuorum veritas: in aeternum omnia iudicia justitię tuę.

Gloria Patri, & Filio, & Spiritui Sancto, &c.

**P**incipes persecuti sunt me gratis: & à verbis tuis formidavit cor meum.

Latabor ego super eloquia tua: sicut qui invenit spolia multa.

Iniquitatem odio habui, & abominatus sum: legem autem tuam dilexi.

Septies in die laudem dixi tibi; super iudicia justitię tuę.

Pax multa diligentibus legem tuam: & non est illis scandalum.

Expectabam salutare tuum Domine: & mandata tua dilexi.

Custodivit anima mea testimonia tua: & dilexit ea vehementer.

Servavi mandata tua, & testimonia tua: quia omnes vię meę in conspectu tuo.

Appropinquet deprecatio mea in conspectu tuo Domine: juxta eloquium tuum da mihi intellectum.

Intret postulatio mea in conspectu tuo: secundum eloquium tuum eripe me.

Eructabunt labia mea hymnum: cum docueris me justificationes tuas.

Pronuntiabit lingua mea eloquium tuum: quia omnia mandata tua æquitas.

Fiat manus tua, ut salvet me: quoniam mandata tua elegi.

Concupivi salutare tuum Domine: & lex tua meditatio mea est.

Vivet anima mea, & laudabit te: & iudicia tua adiuvant me.

Erravi sicut ovis quę perii: quære servum tuum, quia mandata tua non sum oblitus.

Gloria Patri, & Filio, & Spiritui Sancto, &c.

*Antiphona.* Gratias tibi ago Christe, quia me dignum fecisti, ut, quod diu desideraveram, jam invenirem.

*Capitulum. Eccl. 50.*

**A**mplificatus est, quasi stella matutina in medio nebulae, & quasi luna plena, in diebus suis luxit, & sicut sol, refulsit in templo Dei. & Deo gratias. & Magna est gloria ejus, In salutari tuo. Magna. *ψ.* Gloriam, & magnum decore impones super eum. In salutari tuo. Gloria Patri, &c. Magna est gloria. *ψ.* Justus, ut palma florebit. & Sicut cedrus libani multiplicabitur.

*Oratio.*

**D**eus, qui hunc diem nobis Beati Vigilius martiris tui, atque Pontificis sanguine consecrasti; da quaesumus, ut ejus meritis ab omnibus semper adversis defensi, aeternae vitae praemia consequamur. Per Dominum nostrum, &c.

*In secundis Vesperis, Antiphona* Sanctus Vigilus, cum reliquis, ut supra in primis Vesperis. fol. 3.

*Psalmus.* Dixit Dominus. Confitebor. Beatus. Laudate.

*Antiphona.* Gratias tibi ago Christe; quia me dignum fecisti, ut quod diu desideraveram, jam invenirem.

**C**redidi, propter quod locutus sum: ego autem humiliatus sum nimis.

Ego dixi in excessu meo: omnis homo mendax.

Quid retribuam Domino? pro omnibus quae retribuit mihi.

Calicem salutaris accipiam; & nomen Domini invocabo.

Vota mea Domino reddam, coram omni populo ejus: pretiosa in conspectu Domini mors sanctorum ejus.

O Domine, quia ego servus tuus: ego servus tuus, & filius ancillae tuae.

Dirupisti vincula mea, tibi sacrificabo hostiam laudis; & nomen Domini invocabo.

Vota mea Domino reddam, in conspectu omnis populi ejus: in atriis domus Domini, in medio tui Jerusalem.

Gloria Patri, & Filio, & Spiritui Sancto, &c.

*Antiphona.* Gratias tibi ago Christe: quia me dignum fecisti: quod diu desideraveram, jam invenirem.

*Capitulum, Hymnus, & Vers.* ut supra in primis Vesp. fol. 5.

*Ad Magnificat, Antiphona.*

Hodie praeclarus Christi Martyr, & Pontifex Vigilus Ecclesiam suam proprio sanguine decoravit. Hodie in caelum cum angelicis laudibus susceptus, coronatus est. Exultemus, & collaetemur, & gloriosum

riolum hunc diem condigno obsequio celebremus Alleluja.

*Oratio.*

**D**Eus, qui hunc diem nobis Beati Vigiliij martyris tui, atque Pontificis sanguine consecrasti; da quaesumus, ut ejus meritis ab omnibus semper adversis defensi, aeternae vitae praemia consequamur. Per Dominum, &c.

*Infra octavam S. Vigiliij fit tantum commemor. de eo, quia fit Officium de Sanctis occurrentibus infra Octavam.*

*In festo SS. Apostolorum Petri, & Pauli, in utrisque Vesper. Laud. & Missa non fit commemor. de octava S. Vigiliij, nec S. Joannis, sed tantum de octava Corporis Christi, si in illam hoc festum incidat.*

*In die octava S. Vigiliij omnia, ut in festo, exceptis lectionibus secundi, & tertii Nocturni; & fit commemor. octavae Apostolorum.*

*In 2. Vesp. Visitationis B. Mariae Virginis fit commemor. diei octavae S. Vigiliij, ut in primis Vesp. festi.*

*In primo Nocturno tres Lect. A Mileto. ut supra. fol. 9.*

*In secundo Nocturno.*

Sermo S. Augustini Episcopi.

*Lectiq. quarta.*

*Serm. 44. de Sanctis.*

**T**riumphalis beati martyris Vigiliij dies hodie

nobis anniversaria celebritate recurrit: cujus glorificationi sicut congaudet Ecclesia, sic ejus proponit sequenda vestigia. Si enim compatimur, & conglorificabimur. In cujus glorioso agone duo nobis praecipue consideranda sunt, indurata, videlicet, tortoris saevitia, & Martyris invicta patientia; saevitia tortoris, ut eam detestemur: patientia Martyris, ut eam imitemur. Audi Psalmistam adversus malitiam increpantem; Noli aemulari in malignantibus; quoniam tanquam foenum velociter ardescunt. Quod autem adversus malignantes patientia exhibenda sit, audi Apostolum svadentem; Patientia vobis necessaria est, ut reportetis promissiones.

¶ Vigiliij Sanctitatis, & doctrina sic eluxit, ut annos natus viginti ad Episcopatum deposceretur, propterea Deus posuit super caput ejus coronam de lapide pretioso.

¶ Pugnavit adversus gentium, & haereticorum errores. Propterea. Jube domine. Christus perpetuae.

*Lectio quinta.*

**C**oronata itaq; est beati martyris patientia, mancipata est aeternis cruciatibus tortoris incorrecta malitia.

Hoc

Hoc attendens in agone suo gloriosus Christi athleta, non exhorruit carcerem, ad imitationem capitis sui toleravit probra, sustinuit irrisiones. flagella non timuit, & quot ante mortem pro Christo pertulit supplicia, tot ei de se obtulit sacrificia. Quod enim propinante Apostolo biberat, altè retinebat; Quia non sunt condignæ passiones hujus temporis ad futuram gloriam, quæ revelabitur in nobis: & quia momentaneum hoc, & leve nostræ tribulationis, æternum gloriæ pondus operatur in cælis. Hujus promissionis amore à terrenis suspensus, & prægustata supernæ suavitatis dulcedine, ineffabiliter affectus, dicebat cum Psalmista. Quid mihi est in cælo? & à te quid volui super terram? Defecit caro mea, & cor meum, Deus cordis mei, & pars mea Deus in æternum.

R. Beatus Vigilus ex agris Veronensi, & Brixiano demonum cultus ejecit, plurimasque illic fundavit Ecclesias. Et ideo dedit illi Deus claritatem æternam.

V. In valle Annaniæ perditas oves Domino lucrifecit. Et ideo dedit illi Deus. Jube domne. Ignem sui amoris.

*Leclio sexta.*

Contemplabatur enim, quantum in anigmate infirmitas humana oculum mentis in æternitate figere potest, quanta sint supernæ civitatis gaudia, & ea enarrare non sufficiens, admirando clamabat. Quid mihi est in cælo? quasi diceret, excedit vires meas, excedit facultatem eloquentiæ meæ, trascendit capacitatem intelligentiæ meæ illud decus, illa gloria, illa celsitudo, qua nobis à conturbatione hominum remotis, in abscondito faciei suæ Jesus Christus Dominus noster reformabit corpus humilitatis nostræ, configuratum corpori claritatis suæ. Hujus perfectæ libertatis contemplatione nullum vitabat periculum, nullum horrebat supplicium, & si millies posset mori, non putabat se hanc dignè posse aliqua ratione promereri.

R. Sanctus Vigilus prorupit in medium, & dejecto idolo, ad martyrii palmam, quam diu desideraverat, pervenit. Et voluntate labiorum ejus non fraudavit illum Deus.

V. Inter crepitantes ictus in cælum migravit. Et voluntate labiorum.

Gloria Patri, & Filio, & Spiritui Sancto. Et voluntate.

*Intertio*

*In tertio Nocturno.**Leclio septima.**Leclio Santi Evangelii secundū  
Matthæum. Cap. 16.*

**I**n illo tempore dixit Jesus  
Discipulis suis: Si quis vult  
venire post me, abneget semet-  
ipsum, & tollat crucem  
suam, & sequatur me. Et reliqua.

De Homilia S. Gregorii Papæ.

*Hom. 32. in Evang.*

**Q**ui ergo contra Diabo-  
lum ad certamen pro-  
perat, vestimenta abiciat,  
ne succumbat: nihil in hoc  
mundo, amando, possideat:  
nullas rerum labentium dele-  
ctationes requirat: ne, unde  
ad vitam tegitur, ad occasum  
inde teneatur. Nec tamen suf-  
ficit nostra relinquere, nisi re-  
linquamus & nos. Quid est,  
quod dicimus, relinquamus  
& nos? Si enim nosmetipsos  
relinquamus, quò ibimus ex-  
tra nos? vel quis est, qui va-  
dit, si se deseruit? Sed aliud  
sumus per peccatum lapsi,  
aliud per naturam conditi:  
aliud quod fecimus, aliud  
quod facti sumus. Relinqua-  
mus nosmetipsos, quales pec-  
cando nos fecimus, & manea-  
mus nosmetipsi, quales per  
gratiam facti sumus.

℞. Lapidum procella peti-  
tus, te Deum non negavi. Et  
in ipso mortis agone Domi-

num Jesum Christum confes-  
sus sum.

ψ. Ad efferatos accedere  
non timui. Et in ipso. Jube  
domne. Cujus festum colimus.

*Leclio octava.*

**E**cce enim, qui superbus  
fuit, si conversus ad Chri-  
stum humilis factus est, se-  
metipsum reliquit; Si luxu-  
riolus quisque ad continen-  
tiam vitam mutavit; abnega-  
vit utique, quod fuit. Si ava-  
rus quisque ambire jam desijt:  
& largiri didicit propria, qui  
aliena prius rapiebat, procul-  
dubio semetipsum reliquit.  
Ipse quidem est per naturam,  
sed non est ipse per malitiam.  
Hinc enim scriptum est, ver-  
te impios, & non erunt. Con-  
versi namque impii nō erunt,  
non quia non erunt omnino in  
essentia, sed scilicet non erunt  
in impietatis culpa. Tunc er-  
go nosmetipsos relinquimus,  
tunc nos ipsos abnegamus,  
cum vitamur, quod per ve-  
tustatem fuimus, & ad hoc  
nitimur, ad quod per novita-  
tem vocamur.

℞. Iste est prædicator veri-  
tatis acerrimus, qui oves er-  
rantes ad fidem reduxit gro-  
gem Beate Vigili, martyr  
Christi intercede pro nobis.

ψ. Iste est, per quem tot  
populi cognoverunt gratiam  
Dei

Dei Beate Vigili. Gloria Patri.  
Beate Vigili.

Jube domne. Ad societatem.

*Lectio nona.*

**P**ensemus, quomodo se  
Paulus abnegaverat, qui  
dicebat, vivo autem jam non  
ego: extinctus quippe fuerat  
sævus ille persecutor, & vivere  
cœperat pius prædicator.  
Si enim ipse esset, pius profes-  
sio non esset: sed, qui se vi-  
vere denegat, dicat, unde est,  
quod sancta verba per doctri-  
nam veritatis clamat: proti-

nus subdit, vivit vero in me  
Christus. Ac si apertè dicat,  
ego quidem à memetipso ex-  
tinctus sum, quia carnaliter  
non vivo, sed tamen essentialiter  
mortuus non sum, quia  
in Christo spiritualiter vivo.  
Dicit ergo veritas; Si quis  
vult venire post me, abneget  
semetipsum. Quia, nisi quis  
à semetipso deficiat, ad eum,  
qui super ipsum est, non appropinquat;  
nec valet apprehendere,  
quod ultra ipsum est, si nescierit  
mactare, quod est.

Te Deum. *ut supra.* fol. 17.

FINIS.

# APPROBATIO

## SACRÆ CONGREGATIONIS.

**C**UM Episcopus Tridentinus Sacræ Rituum Congregationi exhibuerit Officium Proprium S. Vigiliæ Martyris Episcopi Tridentini, ac pro illius concessione supplicaverit; proponente Eminentissimo Domino Cardinale Franciotto pro Eminentissimo Domino Cardinale Ginetto absente, Sacra Congregatio præfatum Officium approbavit, ac benignè recitari, concessit, juxta rubricas tamen Breviarii Romani. Die 24. Augusti Ann. 1652.

Federicus Episcopus Albanensis, Cardinalis  
Cornelius.



P 18576

*B. Rocius Sacr. Rit. Congregat. Secretarius*

O

TIONIS

de Rituum Con  
Proprium S. Vi  
e pro illis con  
venerabilissimo Do  
centissimo Dom  
congregatio  
recitari, in  
Romani. Et

, Cardinali

DIRITTO

3576

Reg. S. S. S.

Biblioteca  
Comunale

T  
I-OP  
d  
164

TRENTO

OS ERVAZIONI

DI RITROVAMENTO

74  
OFFICIUM

22

x-rite

colorchecker



MSCPPCC0613



mm

SUPERIORVM PERMISSV.

